

Mnr W.C. Cronjé  
Posbus 93321  
BOORDFONTEIN  
0201

SUBMISSION TO THE  
COMMISSION ON REGIONS

REF: 1/11/

11.46

24 Junie 1993

Die Kommissie  
Posbus 307  
ISANDO  
1600

Die Voorsitter

Geagte Mnr/Mev/Mej

1. Nuusberigte van Sondag 20 Junie 1993 waarin u vra vir streek voorstelle voor 6 Julie 1993 vanaf belangstellendes het betrekking.
2. Ek sien dié as 'n geleentheid om vir u die Drie-Enige-God se oplossing vir die RSA voor te stel soos wat ek hieroor gebid het, en dit onder die leiding van die Heilige Gees gedoen het, in voorstel A en B.
3. Suid-Afrika was vir baie jare en dekades regeer deur een volk oor verskillende ander volke. Hier het die probleem ontstaan en is dit dan ook so deur God aan my uitgewys. Ons moet dus die kern van die probleem aanspreek, en daarom begin ek hier. Getalle maak nie saak nie, maar dit is teen God se wil dat een volk oor verskillende ander volke heers en regeer.
4. Suid-Afrika is nie ver van 'n oplossing af nie, as ons net die Almagtige God se voorskrifte en bepalings in die onderhandelings proses sal ken en dit uitvoer.
5. Die Drie-Enige-God se voorskrifte en bepalings in kort is as volg :
  - a. Dat hier verskillende volke is met 'n eie geskiedenis en tradisie.
  - b. Dat hier verskillende volke is met eie beginsels en kultuur.
  - c. Dat God wel 'n oplossing het vir die RSA as volg : (God se plan, Jes.25:1)
    - (1) Die RSA moet in lande/state/streke verdeel word volgens die verskillende etniese volke met inbegrip van die Afrikanervolk, elkeen moet oor homself kan regeer. (Duidelike grense, Eseg.47:13)
    - (2) Daar behoort nie meer as 12 lande/state/streke te wees nie want God sê, verdeel die land (RSA) volgens die 12 stamme van Israel. (Eseg.45:8)
    - (3) Ons moet heeltemal wegbly van 'n eenheidstaat of 'n unitêre staat, want anders is ons weer by die kern van die probleem, een volk wat oor verskillende ander volke regeer. ('n Koning uit jou eie volk, Deut.17:15)
    - (4) God sê verder dat as ons nie luister nie, Hy die land sal laat binneval uit die noorde. (Ons sal gestraf word, Jer.4:6)

VOORSTEL A

6. Die verdeling van die RSA in 12 lande/state/streke soos per aangehegte kaart is as volg :

a. Onafhanklike lande (reeds 6 van die 12 lande/state/streke) :

| <u>LAND</u>            | <u>REEDS<br/>GRENSE</u> | <u>INFRA-<br/>STRUKTUUR</u> | <u>TAAL</u> |
|------------------------|-------------------------|-----------------------------|-------------|
| (1) Ciskei             | Ja                      | Ja                          | si Xhosa    |
| (2) Transkei/Pondoland | Ja                      | Ja                          | si Xhosa    |
| (3) Lesotho            | Ja                      | Ja                          | se Sotho    |
| (4) Swaziland          | Ja                      | Ja                          | si Swati    |
| (5) Bophutatswana      | Ja                      | Ja                          | se Tswana   |
| (6) Venda              | Ja                      | Ja                          | tshi Venda  |

b. Die restant van die RSA se grondgebied moet dus as volg verdeel word (oorblywende voorgestelde 6 lande/state/streke van die 12) :

| <u>LAND</u>                                       | <u>REEDS<br/>GRENSE</u> | <u>INFRA<br/>STRUKTUUR</u> | <u>TAAL</u> | <u>HOOFSTAD</u> |
|---------------------------------------------------|-------------------------|----------------------------|-------------|-----------------|
| (7) Kleurlingland/staat                           | Stel voor               | Ja                         | Afr/Eng     | Kaapstad        |
| (8) Xhosaland                                     | Stel voor               | Ja                         | si Xhosa    | PE              |
| (9) Boesmanland                                   | Stel voor               | Ja                         | Afr/Eng     | Onderhandel     |
| (10) Neutrale land/staat<br>(Stellaland en Gosen) | Stel voor               | Ja                         | Afr/Eng     | Onderhandel     |
| (11) Zoeloeland                                   | Stel voor               | Ja                         | si Zulu     | P/maritzburg    |
| (12) Afrikanerland/staat                          | Stel voor               | Ja                         | Afr/Eng     | Pretoria        |

c. Die Afrikanerland/staat sal dus strek vanaf Bethulie in die suid-Vrystaat, op met Kimberley, verby Vryburg, aangrensend teen Bophutatswana en Rustenburg, op tot teen Messina in die noorde. (suid, wes en noord grens).

Dan weer vanaf die noorde al met die Krugerwildtuin se grense in die ooste af tot by Baberton, aangrensend met Swaziland, Piet Retief, Vryheid tot teen Zoeloeland se grense, Utrecht, Majuba, Harrismith, teen Lesotho se grense tot weer by Bethulie. (noord, oos en suid grens). Walvisbaai en Richardsbaai kan onderhandel word oor as hawens van so 'n Afrikanerland/staat.

d. Die Afrikanerland/staat sal ook die volgende streke uitgesluit wees, wat of self onafhanklik kan funksioneer of by een van die ander lande/state/streke kan ressorteer vir wetgewing en beheer. (Onderhandel hieroor).

| <u>LAND</u>       | <u>REEDS<br/>GRENSE</u> | <u>INFRA-<br/>STRUKTUUR</u> | <u>TAAL</u> |
|-------------------|-------------------------|-----------------------------|-------------|
| (1) GaZankulu     | Ja                      | Ja                          | xi Tsanga   |
| (2) Lebowa        | Ja                      | Ja                          | se Pedi     |
| (3) Nde Bele      | Ja                      | Ja                          | si Ndebele  |
| (4) Groter Soweto | Ja                      | Ja                          | si Zulu     |

- e. Dit is dus baie duidelik dat die Drie-Enige-God se opdrag nie onuitvoerbaar is nie, want uit die voorstelling is daar reeds 12 lande/state/streke geïdentifiseer en is daar dus net die vier genoemde streke by paragraaf 6 d wat onderhandel moet word oor onafhanklikheid of beheer deur ander lande/state/streke.
- f. Die Afrikanerland/staat het reeds 'n infrastruktuur om onafhanklik te kan funksioneer met die Uniegebou as parlamentsgebou en die Voortrekkermonument nie as monument nie, maar as 'n kerk vir dwarsdeur die jaar waar die Afrikanervolk sy Drie-Enige-God in kan aanbid en verheerlik. Die Gelofte van 16 Desember 1838 kan dus gestand gedoen word en sal daar vrede en voorspoed vir almal wees.
- g. Die vier provinsies moet verval, en vervang word met 12 onafhanklike lande/state/streke en sal daar dan geen volk oor 'n ander volk regeer nie, wat ook God se opdrag is. Persone wat nie in 'n betrokke land/staat/streek wil woon nie, moet die reg hê om sy grond te kan verkoop en weer in 'n ander land/staat/streek van sy keuse te kan grond koop.
- h. Skakeling op alle terreine (gesondheid, maatskaplik, onderwys, handel, toerisme, sport) kan steeds met ander lande/state/streke gedoen word net soos dit oor die hele wêreld heen gedoen word. Alle staatsdepartemente, die SAP, SAW, SAUK, SALU, SAL ens. kan her-organiseer word, en kan selfs van die dienste oorgedra word na een van die ander 11 lande/state/streke. (Onderhandel hieroor).

#### VOORSTEL B

7. Sou die 11 ander lande/state/streke soos op aangehegte kaart nie saam stem oor 'n bestel van afsonderlike onafhanklikheid van lande/state/streke nie, is hulle vry om dan 'n eenheidstaat of unitêre staat daar te stel, maar die Afrikanervolk moet in sy eie voorgestelde land/staat/streek bly om sodoende God se opdrag te kan uitvoer.

#### SLOTSOM

8. So kan elke verskillende etniese volk met inbegrip van die Afrikanervolk, sy eie geskiedenis, tradisies, beginsels, kultuur, sy eie taal en identiteit laat voortleef en laat behoue bly soos wat God dit aan nasies en volke gegee het in sy eie land/staat/streek.

9. Ek verneem graag van u.

Die uwe

W.C. CRONJÉ

46/3



# SUIDELIKE AFRIKA

1. Giskei
2. Transkei
3. Lesotho
4. Swaziland
5. Bophuthatswana
6. Venda

7. Kleurlingland / Staat.
8. Xhosaland
9. Boesmanland
10. Neutraleland
11. Zoeloeland
12. Afrikanerland / Staat

- end -